



SELVA

Verband der Waldeigentümer Graubünden
Associaziun dals proprietaris da guaud dal Grischun
Associazione dei proprietari di bosco dei Grigioni

Communicaziun a las medias, 2 da zercladur 2026

La SELVA approva ina nova strategia guaud-selvaschina

La SELVA, l'Associaziun dals proprietaris da guaud dal Grischun ha stgaffi fundaments impurtants per l'avegnir a chaschun da sia 107avla radunanza generala a Scuol. Las commemoras ed ils commembers han deliberà la nova strategia guaud-selvaschina 2026-2031, ils novs statuts ed il reglament revedì dal fond forestal dal Grischun.

“Cun questas decisiuns rinforzain nus la SELVA sco vusch da las proprietaris e dals proprietaris da guaud dal Grischun”, ha ditg la presidenta Anna Giacometti. “Nus stgaffin fundaments clers per nossa lavur sco associaziun e mettain al medem mument in cler signal per ina regiuvinaziun dal guaud segirada.”

Regiuvinaziun dal guaud en il focus

En il center da la radunanza è stada la nova strategia guaud-selvaschina 2026-2031. Quella metta il focus sin ina regiuvinaziun dal guaud sufficiente e sin effectivs da selvaschina d'ungla ch'èn cumpatibels cun las finamiras dal guaud. La SELVA è preoccupada pervi da la influenza da la selvaschina ch'è anc adina gronda. Il rapport “Situaziun dals donns da la selvaschina d'ungla vi dal guaud, valitaziun primavaira 2026” da l'Uffizi da guaud e privels da la natira dal Grischun conferma il basegn d'agir tenor l'associaziun.

“Il guaud grischun è al medem mument guaud da protecziun, spazi da viver, funtauna da materia prima e spazi da recreaziun”, ha Giacometti punctuà. “Per ch'el possia era en avegnir furnir tut questas prestaziuns, dovri ina regiuvinaziun che funcziuna. E per quai ans engaschain nus da maniera consequenta.”

La nova strategia sa basa sin il document da posiziun 2024 da las associaziuns forestalas e sustegna la strategia chantunala “spazi da viver guaud-selvaschina 2021” dal chantun Grischun. La SELVA vul vinavant participar da maniera activa al dialog cun il chantun, la chatscha, la politica e cun ulteriurs partenaris.

Ferma represchentanza dals interess

A chaschun da la radunanza generala ha la SELVA guardà enavos sin in 2025 da success: L'associaziun ha rinforzà sia preschientscha en gremis impurtants. Legraivla è stada l'elecziun da la presidenta Anna Giacometti sco vicepresidente en la suprastanza centrala da GaudSvizzer. En la cumissiun da chatscha ha Kenneth Danuser represchentà ils interess dals proprietaris da guaud.



SELVA

Verband der Waldeigentümer Graubünden
Associaziun dals proprietaris da guaud dal Grischun
Associazione dei proprietari di bosco dei Grigioni

La collavuraziun cun la chatscha è era vegnida rinforzada vinavant. Inscunters cun l'Unìun grischuna da chatschaders da patenta UGCP ed ina acziun cuminaivla d'implantar plantas han contribuì ad in dialog approfondà.

Expertisa, martgà da laina e qualitad

La SELVA è era stada activa en ils secturs furmaziun cuntinuada, certificaziun e lavur publica. A chaschun da la sairada dal guaud e da la dieta dals maina gestiun ha l'associaziun infurmà davart svilups en la branscha da guaud e da laina dal Grischun. Plinavant è la SELVA s'engaschada per ina chadaina da valurisaziun da la laina pli ferma, spezialmain cun resgias cun auta prestaziun ed in'ulteriura transformaziun.

En il sector da la certificaziun FSC dal guaud ha la SELVA realisà audits ed ha examinà l'observaziun dals standards da qualitad en ils menaschis forestals. Cun posiziuns areguard l'influenza da la selvaschina per la regiuvinaziun dals guaud e cun rapports regulars davart il martgà da laina è l'associaziun stada preschenta era en la publicitad.

Laina sco schanza regionala

La radunanza ha gì lieu en la staziun da muntogna Motta Naluns sur Scuol. La construcziun da lain moderna metta en evidenza la muntada da la materia prima lain per il Grischun. La radunanza è vegnida cumplettada d'in referat spezialisà da Chasper Alexander Felix, il manader dals manaschis technics da Scuol davart la "Corporaziun da chalur da laina Scuol".

L'exempel da la corporaziun da chalur mussa da maniera impressiunanta tge potenzial che l'utilisaziun locala da laina e la valurisaziun regionala han. "Laina è ina materia prima centrala per il Grischun", ha ditg Giacometti. "Sche nus l'utilisain en la regiun e l'elavurain vinavant, rinforzain nus il clima, l'economia ed ils spazis rurali."

A chaschun dal lunch en pe ch'è suandà en il restorant da muntogna La Motta, han commembras e commembers profità da l'ocasiun per barats. In gir tras la staziun da muntogna Motta Naluns ha cumplettà la 107avla radunanza generala.

Persunas da contact per infurmaziuns

- Anna Giacometti, presidenta, anna.giacometti@selva-gr.ch, 079 403 68 22
- Alain Schmid, mainagestion, alain.schmid@selva-gr.ch, 079 267 21 05

Agiuntas/maletgs

- Präsidentin Anna Giacometti begrüsst die Bündner Waldeigentümerinnen und Waldeigentümer
- 107. SELVA Generalversammlung im Bergrestaurant Motta Naluns
- Grusswort der Gemeindepräsidentin Scuol, Aita Zanetti zur 107. SELVA Generalversammlung

Bilder Dominik Täuber Fotografie

Ulteriuras infurmaziun davart la SELVA: www.selva-gr.ch